

ԳՐԱԴԱՐԱՆ

ԳՐԱԴԱՐԱՆ ԳՕԻՄ

(1752—1796)

Ա

Սարի գլխին տխուր ժպտաց Ղարաբաղի արևը,
Ջրբաբերդի անտառներին տուաւ վերջին բարևը:
Ջանգալները մենաստանի մելամաղձոտ ղօղանջում,
Աղօթարար սուրբ հայրերին եկեղեցի են կանչում:
Եւ ջերմեռանդ սուրբ հայրերը ահա եկան տաճարը,
Ժամերգութիւնն սկըսեցին՝ ձեռքին խաչ ու խաչվառը:
Ջերմ աղօթք են նոքա լղում Տէր Աստուծուն ողորմած,
Որ նա փրկի աղէտներից Հայոց ազգը որբացած:

Բ

Նայիր ահա այն վիթխարի աշտարակին ահաւոր,—
Խոժոռադէմ կանգնած է նա՝ իբրեւ տխուր սգաւոր:
Նորա միջին նստած է լուռ մի արեղայ դառնացած,
Իր միաբան ընկերներից անջատուած ու բաժանուած:
Ձէր մասնակից երեկոյեան ժամերգութեան տաճարի—
Բազմախորհուրդ նստած է նա աշտարակում վիթխարի:
Աղօթք, մաղթանք, ժամերգութիւն չէին նորան հրա-
պուրում,—
Նա յուզուած էր, նա ալլալուած... Նա աղօթել չէր
կարում:

Գ

Ի՞նչպէս, ի՞նչպէս նա աղօթի սրտով յուզուած, վիրաւոր,
Երբ ամեն տեղ լսուում է լաց ու հառաչանք բիւրաւոր:
Ի՞նչպէս նստի մենաստանում նա անտարբեր ու խաղաղ,
Երբ պարսիկը հիմնայատակ կործանում է Ղարաբաղ:

Երբ Փանահ-խան հայ աշխարհի սրտում դրած էր բռնը,
Սձի նման՝ թափում է խեղճ հայի գլխին էր թօխը:
Բաւական է... Ել չի կարող մնալ այստեղ սուրբ հայրը —
Նա թողնում է մենաստանը, սրբանուէր էր վայրը:

Դ

«Մնաք բարեաւ, ո՛վ սուրբ տաճար եւ Բրիտոսի
սուրբ սեղան», —

Աշտարակը թնդացնելով՝ գոչեց լուզուած արեղան. —
«Թո՛ղ այսուհետ՝ սուրբ խաչի տեղ՝ ձեռքիս սուրբ շողշողայ,
իմ մահաբեր, ահեղ սրից թո՛ղ թշնամին գողգողայ:

Արիւնավրէժ կրօնաւորիս թո՛ղ նախատեն ամենքը —

Ես մինչեւ մահ ու կախաղան էլ չեմ թողնիլ իմ գէնքը:
Թո՛ղ ինձ կոչեն խննթ աղքատայ ¹⁾, ինձ ծանակեն աղ-

խարհում —

Պիտի անվերջ արիւն թափեմ ռազմի ահեղ դաշտերում:

«Ել այսուհետ՝ ես չեմ լսիլ զանգակների զողանջիւն, —
Չանգակի տեղ՝ պիտի լսեմ հրացանների շառաչիւն:

Սուրբ տաճարի անուշահոտ կնդրկի ու խնկի տեղ՝

Ես մահաբեր վառօդի հոտ պիտի շնչեմ ամեն տեղ:

Ընկերներս, եղբայրներս կ'ըլնեն ոչ թէ սուրբ հայրեր,

Այլ ահաւոր և ահնկուն նիզակակից հայ քաջեր:

Թող իմ վարձը լինի ոչ թէ սուրբ օրհնութեան կոնդակը,

Այլ ոխերիմ ու գարշելի մեր թշնամու գնդակը...»

Ե

Կէս գիշերին գեղ լուսինը՝ ամպերի մէջ լողալով՝

Հանդարտ ու վեհ ընթանում էր, արծաթի պէս շողալով:

Շուշաւ բարձր, գոռոզ բերդը, մինչեւ երկինք վերացած՝

Լուսնեակի տակ մըրափում էր, հսկայի պէս՝ լուռ կանգ-

նած:

Գարգար գետը բերդի տակին բարձրամրմունջ վշշալով,

Ըշտապում էր Թարթարի մօտ, քարափները մաշելով:

Քարափները երկու կողմից կամարի պէս՝ կըռացել,

Գետի վերայ ապառաժոտ կամուրջ²⁾ էին կառուցել:

Զ

Կամուրջի մօտ կէս գիշերին մի վիթխարի ձիաւոր՝

Դաժան դէմքով լուռ դիտում էր հսկայ բերդըն՝ ահաւոր-
 Լուսնեակի տակ շողում էին նորա փայլուն զէնքերը,
 Ահ ու սարսափ էին թափում նորա ահեղ աչքերը:
 Նա կտրել էր բերդի ճամբան, արթուն աչքով միշտ
 հսկում:

Նորա ահեղ այն կողմերով էլ պարսիկ չէր անց կենում:
 Այնտեղ արդէն ճանապարհին՝ այն սեպացած ժալո՛ւ մօտ՝
 Թափուած էին պարսիկների դիակներըն արիւնոտ:

Ե

Շուշուայ բերդում քնած էին զօրապետ ու զօրական,
 Սակայն այնտեղ իր պալատում դեռ արթուն էր Փա-
 նահ-Խան:

Ողջ գիշերը նստած էր նա — քուն չէր գալիս աչքերին.
 Նա լուզուած էր և անձնատուր մօլայլ ու սև մտքերին:
 Օձի նման՝ ներս սողալով հայ աշխարհը որբացած,
 Հայ աշխարհի սրտի միջին որդնի՝ նման՝ բուն դրած,
 Այժմ նստած՝ նա տանջւում էր սև մտքերից բիւրաւոր...
 Դառը վիշտը կեղեքում էր նորա սիրտը վիրաւոր:

Ը

Այդ քնէ ծանր քար էր ճնշում խանի սիրտը բարբարոս.
 Ո՛վ էր մաշում նորա հոգին ամբարտաւան ու գոռոզ:
 Այդ քաջ Դալի-Մահրասուն էր — այն աբեղան ահաւոր,
 Որ թուրքերի արեան գետով հեղեղում էր սար ու ձոր:
 Բերդի տակին, գիշեր-ցերեկ կտրած Մազէ-կամուրջը,
 Իր զինակից քաջերի հետ ահ էր սփռում նա շուրջը:
 Այն օրուանից, երբ հեռացաւ Եղիշէի³⁾ սուրբ վանքից,
 Սուրը ձեռին՝ քանի՛ քանի՛ թուրքի զրկեց նա կեանքից:

Քանի՛-քանի՛ պարսիկ զինւոր գնդակահար նա արաւ.
 Քանի՛ սէլիդ նա կոտորեց բանտում սոված ու ծարաւ:
 Քանի՛-քանի՛ մօլլա, դէրվիշ քաշեց, տարաւ նա ձորը
 Ու պատառեց իր կեռ թրով նոցա սիրտըն ու փորը:
 Քանի՛ պարսիկ զօրապետներ կախեց ծառին պարանով.
 Քանի՛ անգամ Դարգար գետը ներկեց կարմիր արիւնով...
 Քանի՛ անգամ նորան փորձեց կործանելու Փանահ-խան,
 Սակայն ի զուր... Մնաց անլաղթ Հայոց հզօր աբեղան:

Թ

Առաւօտեան, երբ երկինքը յուղուած՝ իբրեւ հրե-
ղէն ծով՝

Դալարազարդ սարի գլխին բռնկուեցաւ ալ բոցով.—

Մինարէթի գլխից հնչեց Մուհամէդի ազանը.

Յոգնած՝ չոքեց աղօթելու Շուշուայ բերդի գագառը:

Աղօթում էր նա Ալլահին, որ զօրութիւն տայ իրան՝

Հայոց ազգը կործանելու ու ջնջելու յաւիտեան:

Աղօթում էր նա Ալլահին, որ երկինքը պատառի

Ու շանթահար անի վերից Մահրասային քաջարի:

Ժ

Մեծ խորհուրդ կայ այսօր բերդում: Վշտամոլորթուրք
խանը՝

Յենուած փափուկ, թաւշէ բարձին ծխում է իր զալանը:

Խանի առաջ կանգնած է մի հուլ, խոնարհ մանկաւիկ,

Կրակի համար գօտի միջին խրած ոսկէ ունեւիք:

Ներկայ էին պարսից յայտնի մօլլաները, մեծերը.

Ներկայ էին Փանահ-խանի զօրքի բոլոր պետերը:

Խանի կողքին, ծաղկանկար գորգի վրայ լուռ բազմած,

Մտածում էր հայոց Մելիք Շահնազարը՝ ազգուրաց:

ԺԱ

Այն օրուանից, երբ Շահնազար գաւաճանեց հայ
ազգին,

Իր սեփական Շուշուայ բերդը տուաւ լսիւրջ ժանտ պարս-
կին—

Գիշեր-ցերեկ նա անձնատուր Փանահ-խանին ոխերիմ,

Դարձաւ նորա սրտին մօտիկ բարեկամը մտերիմ:

Այժմ նստած խանի կողքին՝ պալատումը փառաւոր,

Հայի համար նա լարում էր որոգայթներ նորանոր:

Այնտեղ էր և հայի մատնիջ՝ Խաչէնի զեղի Միրզախան,

Որին, իբրեւ վարձատրութիւն, մելիք կարգեց Փանահ-խան:

ԺԲ

Մտածում էր խանը երկար, հարցնում խորհուրդ-
բոլորից—

Ինչպէս Դալի Մահրասային ջնջի իսպառ աշխարհից:

Նա խնդրում էր իր հնարագետ մօլլաներին սըրամիտ, Որ հնարքներից հիւսեն ուռկան, որսան «հային չարամիտ»:

Խորհուրդ էին անում երկար մօլլաներն ու խանը, Սակայն չէին կարում հիւսել Մահրասայի ուռկանը: Խորհուրդ էին անում նոքա, երկար տալիս խելք-խելքի, Բայց խորհուրդը մնում էր միշտ դարձեալ առանց մի ելքի:

ԺԳ

«Պարտքըս լինի, — կուրծքը ծեծեց Շահնազարը դաւաճան. —

Իմ սրբազան պարտքը լինի, որ այդ գործին տամ վախճան: Ամեն հնարք, ամեն միջոց գործ կը դնեմ անպատճառ, Որ գարշելի արեղային ինքս պատժեմ չարաչար:

Մեր աշխարհի հզօր խանը թող լինի ողջ, անսասան. Ես չեմ թողնիլ, որ կենդանի մնայ լպիւրջ Մահրասան: Դուք ամենքդ հանգիստ կացէք, անհոգ կացէք ու խաղաղ. Ամեն բան իմ ձեռքից կը գայ, վկայ է ողջ Ղարաբաղը:

«Ես այն Մելիք-Շահնազարն եմ, որ իր սրով ահաւոր-
իշխեց ամբողջ Վարանդային ու նըւաճեց սար ու ձոր. Ես այն Մելիք Շահնազարն եմ, որի բերդին անառիկ Չէ լանդաճում մերձենալու Խամսայի ոչ մի մելիք: Ես այն Մելիք-Շահնազարն եմ, որից ոչ թէ արեղայ, Այլ մեր ամբողջ Հայոց ազգը կը սարսափի, կը դողայ: Այնպէս ջարդեմ, այնպէս փշրեմ Մահրասայի պօպոզը, Որ աշխարհից անհետանայ նորա իզըն ու թողը»:

ԺԴ

— «Այ մաշալլա, այ աֆարըմ մեր քաջ Մելիք-Շահնազար,

Գոչեց խանը. — չը կայ ոչ ոք, որ քեզ լինի հաւասար: Ո՛չ Իրանում, ո՛չ Թուրանում իգիթ չըկայ քեզ նման.

Սաղ աշխարհի իգիթները թող նախանձեն քո անուան. Այն օրուանից, երբ որ դարձար իմ ջուխտ աչքի դուլոյսը, —

Քեզ վերայ է եղել միայն սրախ բոլոր իմ յոյսը:

Հայ տեղովդ դու եղել ես իմ աջ թւըն ամեն օր.

Միշտ եղել ես դու թուրքերի բարեկամը մերձաւոր»:

ԺԵ

Պըլը-Պուղին 4) Շահնազարի խեղկատակը սիրելի,
 Լուռ կանգնած էր, իբրև զազիր ու սև գործի հայելի:
 Ել չը կարաց իրան զսպել խեղկատակը դառնացած.
 Նա հեգնօրէն տխուր ժպտաց, առաջ գնաց և ասաց.
 «Երգում եմ ես մեր մելիքի քաջալ գլխի կատարով,
 Երգում եմ ես այս ժողովի շարժառիթով, պատճառով,
 Որ մեր կեանքում միշտ հերոս են հանդիսանում մկները.
 Որ ամեն տեղ միշտ գլխից են հոտում բոլոր ձկները:

«Եթէ մի ձուկ հաւատարիմ չէ իր եղբայր ձկներին,
 Նա կարող է հաւատարիմ լինել օտար մկներին:
 Եթէ մի մարդ ինքն իրան չէ բարեկամ մերձաւոր,
 Մթթէ կ'ըլնի նա բարեկամ օտարներին կեղծաւոր:
 Ասում են, որ շունը շան միս չէ ճաշակում բնաւին,
 Սակայն հալը ախորժակով միշտ ուտում է իր հային:
 Մելիք, թէև դու խեղճ Պուղուս անուանում ես խենթ ու պէշ
 Բայց տեսնում եմ, որ պէշերի թագաւորն ես դու եղել...»

ԺԶ

Խորհրդաւոր խոր լուռութիւն տիրեց ամբողջ պալատում.
 Փանահ-խանը զգաց թախիժ ու դառը վիշտ իր սրտում:
 Ցնցուեց Մելիք-Շահնազարը Պըլը-Պուղու խօսքերից,
 Սիրտը կարծես՝ խոցուեց դաժան ու թունաւոր նետերից:
 Մօլլաներն ու մեծերը նայում էին շրւարած,
 Դողդոջ ձեռքով շփում կարմիր մօրուսները հինայած:
 Եւ կատաղած Շահնազարը, շրթունքները կրծելով՝
 Դուրս վառնդեց խեղկատակին, բերնից փրփուր թափելով:

ԺԷ

Դարձեալ գիշեր, մռայլ գիշեր. ամեն տեղ մութ ու խա-
 ւար.
 Խաւարի մէջ խորասուզուած՝ լուռ քնած է ողջ աշխարհ:
 Երկնակամարն Արմենիայի ծածկուած է մութ, սև քո-
 ղով—
 Լուսին չըկայ, որ գեղադէմ ժպտայ վերից իր շողով:
 Խօլ խաւարում՝ հսկայի պէս՝ ծեր Մասիսըն ալեօր

Ամպի տակին կանգնած է լուռ, իբրև տխուր սգաւոր:
Մայր Աթոռին Արարատեան թանձր մշուշ է տիրում:
Գմբէթները սուրբ տաճարի սկացել են խաւարում:

ԺԸ

Ո՞վ է այն հէգ բանտարկեալը, այն թշուառը վիրաւոր,
Որ իր դառը հառաչանքով թնդացնում է սար ու ձոր:
Ո՞վ է լալիս ու պապակում ազատութեան ծարաւով,
Քորհրդաւոր լուռութիւնը այնպէս խախտում գիշերով:
Գուցէ Հայոց Արտաւազդն է Մասիս լեռան անդնդում,
Շղթայակապ և յուսահատ, քաջքերի մօտ հեծկլտում:
Կամ Վրաստանի Ամբրանն է՝ կապանքներով կաշկան-

դում:

Անվերջ լալիս սրտամորմոք, մութ քարայրում բան-
տարկուած:

Գուցէ դժբաղդ Պրօմեթէյն է ժայռին մեխուած
հառաչում:

Թէ Շիլինն է թշուառ զոհն է բանտի միջին տառապում:
Ո՛չ... Այդ Հայոց Մահրասանն է, այն արեղան քաջագոր,
Որեց թուրքը սարսուփում էր, սարսափում էր սար ու ձոր:
Վագրի նման՝ քաջ Մահրասան բանտարկուած է վան-
դակում:

Ազատութեան տենչով լցուած՝ տառապում է նա բանտում:
Գիշեր-ցերեկ տանջում է նա, սիրտը բեկուած ու ցաւոտ:
Խաբխափում է մութ խաւարում, պայծառ լոյսին նա
կարօտ:

ԺԹ

Ո՞վ յանդգնեց մերձենալու Մահրասային անվեհեր:
Ո՞վ յանդգնեց նորա ձեռից խել սուրը մահաբեր:
Մթթէ գոռոզ Շահնազարն է իր խոստումը կատարել:
Թէ պարսէկն է քաջի գլխին լոյս երկինքը սկացրել:
Ո՛չ: Շահնազարն ու պարսէկը անկարող են և անգոր,
Անկարող են նոքա ընկճել արեղային քաջագոր:
Կալ աւելի բարձր մի ոյժ, մի ոյժ հզոր, անսասան,
Որի առաջ խոնարհուել է մեր աննկուն Մահրասան:

Օ՜, այդ ուժը սուրբ է, վսեմ, անպարտելի և հզոր։
Այդ ուժին է դիմել մատնիչ Շահնազարը նենգաւոր։
Այդ — մեր Հայոց եկեղեցու օրէնքըն է մեղեւանդ,
Այն օրէնքը, որ արել է մեր աշխարհը քարուքանդ։
Եկեղեցին չէ թոյլ տալիս արիւն թափել, ըսպանել —
Պատուիրում է՝ դէպ թշնամին ներդամիտ միշտ լինել։
Բայց ոտնատակ տըլաւ այդ սուրբ պատուիրանը Մահ-
րասան։

Նա արիւնով ներկեց աշխարհ, դարձաւ ահեղ մարդա-
սպան։

Ի

Եւ հալ ազգի Հովուպետը⁵⁾ սուրբ Միածնայ Տաճարի
Բանտարկել է արիւնավրէժ Մահրասային քաջարի։
Հայրենիքի սուրբ պաշտպանին մեղադրել է նա այսօր։
Քաջ Մահրասան բանտարկուած է, իբրեւ ըմբոստ լան-
ցաւոր...

Բանտարկուած է Մայր Աթոռի սառցատանը նա խաւար։
Յուրտ ու խոնաւ իր բանտի մէջ տառապում է վշտահար։
Թող տառապի, ապաշխարի, սղօթք անի ու տանջուի։
Իսկ աշխարհը թուրքի ձեռքով թող աւերուի ու քանդուի...

ԻԱ

Մայր Աթոռը պաշարուած էր։ Արիւնարբու քրդերը⁶⁾
Գազանաբար խորտակում են մենաստանի դռները։
Չիչ, տղաղակ, գէնքի շաչիւն թնդացնում են աշխարհը,
Արձագանք է տալիս հեռուից Մասիս լեռան կատարը։
Վառօդի սև, թանձր ծուխը մինչ երկինք է վերանում,
Ամպի նման՝ արեգակի պայծառ լոյսը խափանում։
Մենաստանի թւանքչիները պարիսպների վերևից
Չիդ են թափում վանքը փրկել դաժան, ահեղ քրդերից։

ԻԲ

Տագնապի մէջ ծերունազարդ Հայրապետը Վեհափառ
Աղօթում է, որ պահպանի Աստուած գահը մեր թշուառ։
Նա ձեռները երկինք պարզած՝ աղօթում է ծնկաչոք,
Որ Տէր Աստուած վանքը փրկի ոսոխներից անողոր։
Սակայն ի զուր... Նայէր՝ ահա արիւնարբու քրդերը

Կոտորեցին մենաստանի հսկայական դռները.
Կոտորեցին, ներս խուժեցին... Ահա վանքը սրբազան
Աւերում է պիղծ թշնամին, իբրև վայրագ, չար գազան...

ԻԴ

Քաջ Մահրասան էլ չի կարող մնալ տնձուկ իր
բանտում —

Մռնչում է, իբրև առիւծ իր երկաթէ վանդակում:
Մութ կամարը տատանելով՝ մռնչում է անհամբեր.
Բորբոքում է ու բաբախում նորա սիրտըն անվեհեր:
Ձէնքեր տուէք, նժոյգ տուէք Մահրասային քաջարի.
Նա խնդրում է, նա ուզում է թշնամու դէմ մաքառի:
Հասիւր, հասիւր, քաջ Մահրասա՛, բանտի դուռը խոր-
տակիւր.

Հուսաւորչի սուրբ Աթոռը ե՛կ ազատիր ու փրկիւր:

ԻԴ

Այն քնչ ահեղ շանթեր ընկան խաւարամած երկնքից.
Այն քնչ հսկալ լեռը փլեց քրդի գլխին վերեւից:
Մահրասան է... Ամպերի պէս՝ որոտաձայն գողալով,
Կոտորում է նա քրդերին՝ ահ ու սարսափ սփռելով:
Գիշերային կայծակի պէս՝ շողշողում են գէնքերը,
Աշնանային տերեւի պէս՝ թափթփւում են քրդերը:
Պիղծ թշնամին արիւնշաղախ գլորւում է, հառաչում.
Պիղծ թշնամին սարսափահար նահանջում է ու փախչում...

ԻԵ

Անցաւ արդէն ճգնաժամը: Մայր Աթոռն ազատուեց:
Մենաստանում ամեն կողմից աւետաբեր ձայն հնչեց:
Երկնակամարն ազատուեցաւ մռայլ ու սև ամպերից,
Արեգակը նորից պայծառ՝ ուրախ շողաց վերեւից:
Եւ վանական եղբայրները ահա եկան, ժողուեցին,
Քաջահզօր Մահրասային օրհնեցին ու գովեցին:
Իսկոյն նոքա քաջի համար սարքեցին տօն փառաւոր,
Ովաննայով, կէցցէներով զորդացրին սար ու ձոր:

ԻԶ

Ստուածարեալ Հայրապետը սուրբ պատարագ մա-
տուցեց,

Բոլորն սիրով Մահրասայի լայն ճակատը համբուրեց.
 «Այս օրո՞ւնն է՞ դու ազատ ես. գնա, որդե՛ակ, մաքառի՛ր.
 Ժայռի նման՝ կուրծքդ դէմ տո՛ւր, հայրենիքըդ պաշտ-
 պանի՛ր:
 Ես տեսնում եմ, որ Աստուած է քեզ ուղարկել հայի մօտ,
 Որ դու բուժես նորա ցաւը եւ վէրքերըն արիւնոտ:
 Աստուած թուրըդ ամեն կուռում անի կտրուկ, զօրաւոր.
 Աստուած տալ ոյժ բազուկներիդ, որ միշտ լինես քաջագոր:

«Ինչպէս այսօր դու փրկեցիր սուրբ Աթոռը քրդերից,
 Այնպէս էլ թո՛ղ Տէրը փրկի քեզ քո արած մեղքերից:
 Մի ձեռիդ սուր, միւս ձեռիդ խաչ՝ գնա՛, կռուի՛ր հա-
 մարձակ:
 Թուլամորթին քաջ գործերըդ թո՛ղ միշտ լինին օրինակ.
 Հայրենիքի դաւաճանը թո՛ղ քեզ տեսնի, ամաչի.
 Քեզ տեսնելով՝ մեր թշնամին հային թող լսւ ճանաչի:
 Թո՛ղ այսուհետ անմահացնի քեզ մայրենի աշխարհը.
 Թող քեզ գովի, փառաբանի բանաստեղծի քնարը»:

ԻԷ

Դբրեւ յոգնած եւ ուժասպառ մի հալածուած չար
 գազան՝
 Ռազմի դաշտից յաղթահարուած փախչում էր նենգ Փա-
 նահ: Խան:
 Յուսահատուած՝ նա փախչում էր Գարգար գետի ե-
 զերքով.
 Նա փախչում էր, իր նժուգի մէջքը դադում մտրակով:
 Փռնչալով՝ սլանում է խեղճ նժուգը քրտնաթոր,
 Սլանում է նա անդադար, անցնում լեռներ, դաշտ ու ձոր:
 Խանը մենակ ու սարսափած՝ սրլանում էր Պարսկաստան,
 Որ ի՞նչ կեանքը փրկի մահից, գտնի այնտեղ ապաստան:

ԻԸ

Վարանդայում, Ասկարանի քանդուած, աւեր բերդի մօտ
 Թափթփուած են պարսիկների դիակներըն արիւնոտ:
 Գարգար գետի ժեռոտ ափը ողողուած է արիւնով.
 Շուրջը թնդում, դղրդում է խառնիճաղանճ ձայներով:
 Խռնրում են վրացի, խւսուր, օս զօրքերը լեռնական,
 Որոնց արքայ Թէյմուրազը բերել էր մեզ օգնութեան:

Այստեղ են մեր հսկայատիպ հերոսները լաղթանդամ.
Այստեղ են հայ իշխանները՝ մելիք Իւսուփ և Աթամ⁷⁾.
Իթ

Ամենեքեան միահամուռ խորտակել են թուրքերին.
Այժմ նոքա հանուր ուժով, որոնում են Փանահին:
Բայց Փանահը սարսափահար՝ փախուստ տալով մահու-
նից,

Արդէն վաղուց հեռացել էր Վարանդայի սահմանից:
Հաւատարիմ իր նժուգին մտրակելով անդադար,
Հասել էր նա Մայր Արաքսի ափերը գեղ ու դալար:
Յոգնած խանը մօտեցել էր Խուզափերին կամուրջին,
Երբ յետևից յանկարծ հնչեց մի ձայն ահեղ և ուժգին:

Լ

Եւ այդ ծանօթ, հուժկու ձայնից ցնցուեց խանը
սարսափած,

Սանձը ձեռքից նա բաց թողեց, տերևի պէս դողդողաց:
Եւ երկաթէ հզօր մի ձեռք յանկարծ բռնեց Փանահին.
Տաշեղի պէս՝ նետեց նորան, զարկեց գետնի քարերին:
Նա վիրաւոր և ուժասպառ՝ ուժգին ճչաց, հառաչեց,
Թաւազլոր փռուեց գետին, հոգւոց հանեց ու լուեց:
Երբ կիսամեռ խանը նորից բացաւ պղտոր աչքերը,
Տեսաւ կապած շղթաներով իր ոտները, ձեռքերը:

ԼԱ

Նորա առաջ հսկայի պէս՝ պարթև հասակ, անսասան,
Ընկերների հետ միասին կանգնած էր քաջ Մահրասան:
Գլխին դրած մորթէ գլխարկ, սև փարաջան ծալած յետ,
Կողքին՝ կախած իր վեղարը կանգնած էր նա խմբի հետ:
Ըսպառազէն, խոժողադէմ՝ կանգնած էր նա անվահեր.
Նորա տեսքից սոսկում էին դաշտեր, ձորեր ու լեռներ:
Արաքս գետը՝ յորձանք տալով՝ կամուրջի տակ հոսում էր,
Կարծես՝ Ղալի-Մահրասայի գովքը պատմում, խօսում էր:

ԼԲ

Եւ Մահրասան հեծաւ կայտառ իր մօխրագոյն նժուգ ձին.
Ու Վարանդա տարաւ իր հետ շղթայակապ Փանահին:
Տարաւ նորան հայի ահեղ դատաստանին յանձնելու,

Տարաւ իր հետ հայի մազձը նորա գլխի թափելու:
ձանապարհին գերուած խանը հառաչում էր ու լալիս,
Սակայն ոչոք ազատելու և օգնութեան չէր գալիս:
Նորա երկու բարեկամը՝ Շահնազար ու Միրզախան
Փախել էին ու Չանախչու բերդում գտել ապաստան:⁸⁾

ԼԳ

Բայց Շահնազար ու Միրզախան չը մնացին ապահով.
Շուտով նոքա՝ խոնի նման՝ կապկպուեցին շղթայով:
Ղարաբաղի երեք դաժան հրէշներին ահաւոր
Այժմ գերել, շղթայել են հայերը քաջ և հզօր:
Ուրախութեան աղաղակով դղրդում են լեռները,
Դղրդում են Ղարաբաղի անտառները, ձորերը:
Ամենայն տեղ խինդ ու բերկրանք, նըւագարան ու տաղեր.
Ամենայն տեղ բուռն հրճուանք, պար ու ծիծաղ և խաղեր...

ԼԴ

Բայց... ծիծաղը լացի փոխւեց, իսկ երգերը—վերքերի.
Խնդութիւնը շուտ դադարեց, մնաց կիսատ ու թերի:
Շղթայակապ մատնիչները ու գարշելի Փանահ խան
Յանկարծակի ազատուել են շղթաներից գերութեան:
Ազատուել են գերութիւնից ոչ սեփական ուժերով,
Այլ Վրաստանի նենգ, ընչաքաղց թէյմուրազի ձեռներով:
Հայոց ազգի դաշնակիցը դաւաճանեց մեր ազգին,
Քակտեց կապը սուրբ միութեան, երկրպագեց կաշառ-
քին:⁹⁾

ԼԵ

Աւաղ... ինչո՞ւ, ինչո՞ւ հզօր եւ քաջարի Մահրասան
Պատառ-պատառ չ'արաւ խանին իր կեռ թրով անասան:
Ինչո՞ւ նորան նա չ'սպանեց Արաքս գետի սփի մօտ
Ու չը նետեց պղտոր ջուրը գարշ դիակըն արիւնոտ:
Մելիք-Իսուկին ու Աթամը ինչո՞ւ իրանց ոսոխին
Արծաթապաշտ և ուխտադրուժ Թէյմուրազի մօտ թողին:
Այժմ երեք արիւնարբու գազանները վայրենի
Դնացին դարձեալ աւերելու մեր աշխարհը մայրենի...

ԼԶ

Օ՛, սև ամպեր, քանի՜ ծածկէք դուք երկնքի կամարը.
Քանի՜ անգամ խաւարեցնէք դուք Ղարաբաղ աշխարհը:

Հէնց ուզում է արեգակը թափել վերից շողերը,
 Իր շողերով ոսկեզօծել հալ աշխարհի հողերը։ —
 Ամեն կողմից իոկոյն գալիս, կուտակւում էք միասին,
 Սփռում նորից մօռլլ քօղը պայծառ ջահի երեսին։
 Սիւնեաց երկինք, աշնան երկինք, փոփոխական ես դու
 միշտ։
 Մերթ բերում ես մեզ ուրախ օր, մերթ տխրութիւն,
 ցաւ ու վիշտ։

ԼԵ

Կէս գիշերին գեղ լուսինը լող էր տալիս երկնքում,
 Տխուր նայում դէպի աշխարհ, ինքն իրան մորմոքւում։
 Մերթ պահւում էր ամպերի տակ նա սարսափով ու դողով,
 Մերթ ամպերից գուրս էր լողում, կրկին փալլում իր
 շողով։
 Գանձակի մօտ լեզգիների ¹⁰⁾ դիակներ են թափթփած։
 Դիակների մէջ անվեհեր Մահրասան է լուռ նստած։
 Նա յոգնած էր պատերազմից, նա տխուր էր ու մոլոր։
 Քաջի սիրտը կեղեքում էր մի զգացմունք ահաւոր։

ԼԸ

Գերեզմանի սառը քարին նստած է նա միայնակ,
 Նստած է նա, հանգստանում, շուրջը արիւն ու դիակ։
 Դաժան մահը, իբրեւ սառած դիակների պահապան,
 Լուռ կանգնած էր կէս գիշերին ահեղ դաշտում ռազ-
 մական։
 Ջարհուրանքը, իբրեւ անխօս մի ուրուական դժնդակ,
 Մեռելների միջին հանգարտ թափառում էր լուսնի տակ։
 Տերեախիտ սօսիները սառը քամուց շշնջում,
 Մի սոսկալի, սրտաճմլիկ դէպք են կարծես գուշակում։

ԼԹ

Ահա լանկարծ արիւնշաղախ ու յօշոտուած մի դիակ
 Բացաւ աչքը, անթարթ նայեց Մահրասային դժնդակ։
 Քաջը նստած՝ խոժողադէմ նայում էր ցած գլխակոր,
 Կարծես՝ վերից դիտում էր իր գերեզմանըն ահաւոր։
 Եւ ուժասպառ լեզգին՝ տանջուած՝ իր մրմնջող վերքերից
 Վերջին ոյժը հաւաքելով հանդարտ շարժուեց իր տեղից,

Դադարանադրի ու նենգօրէն հեռուից նայեց դալկացած.
Աւ նորա թօլլ ձեռքին յանկարծ ատրճանակն որոտաց...

Խ

Եւ անողորք, օրհասական սև կապարը մահաբեր
Դարուեց Դալի-Մահրասայի ժեռոտ կուրծքըն անվեհեր...

Գնդակահար աւիւծի պէս՝ նա դառնագին մոնչաց
Եւ՝ խորտակուած սարի նման՝ գլորեցաւ դէպի ցած:

Մեռաւ քաջը... խլեց, տարաւ, տարաւ անգուծ, սև
մահը.

Քաւարեցաւ հայ աշխարհի պայծառ լոյսն ու ջահը:

Քանդուեց, ընկաւ վշտի ծովը մեր փրկութեան փարոսը.

Ննջեց առ միշտ, լուեց յաւէտ հայրենիքի հերոսը... ¹¹⁾

ՅԱՐՈՒԹԻՒՆ ԹՈՒՄԱՆԵԱՆՑ

Ծ ա ն օ թ ո ՝ թ ի ն ն ի ք

1) Խնէլ կամ 416 - Եւրոպայի թուրքերէն՝ Դալի-Մահրաս: Սո-
րա իսկական անունը Աւագ վարդապետ էր, բայց ժողո-
վուրդը տուաւ սորան 416 մականունը: Այս մականունը հին
ժամանակներսմ տալիս էին քաջ հերոսներին:

2) Մաղէ-կամուրջը՝ Շուշուայ մօտ:

3) Ղարաբաղի Զրաբերդ գաւառում:

4) Պըլ-Պաշտ=Պէլ Պաշտ, որ նշանակում է ինչի Պաշտ:
Այդպէս էր կոչում Մելիք-Շահնազարը իր զուարճաբանին:

5) Սիմէօն կաթողիկոս:

6) Զալալի քրդերը:

7) Գիւլիստանի Մելիք-Իսուփը և Զրաբերդի Մելիք-Ա-
թամը միացել էին վրաց Թէլմուրազ արքայի հետ և ընդհա-
նուր ուժով ուզում էին ոչնչացնել Փանահ-Խանի զօրութիւնը:
Բոլոր կռիւնքի ժամանակ հայ մելիքները հոգում էին իրանց
ղաշնակցի պիտոյքները և մատակարարում էին նորա վրացի,
խնսուր և օս զօրքերի խառնիճաղանճ բազմութեան բոլոր
սպաւրեղէնները:

8) Զանախին կամ Աւետարանոցը Վարանդայի գլխա-
ւոր բերդաւանն էր: Առաջ ալստեղ էր կեդրոնացած գաւառի
իշխանութիւնը: Բայց լետոյ Փանահ-խան, գտնելով Զանախ-
ու դիրքը պաշտպանութեան համար անյուսալի, խորհուրդ
տուաւ Մելիք-Շահնազարին հիմնել Շուշուայ բերդը: Այնուհե-
տեւ Շուշուայ բերդը դարձաւ Վարանդայի իշխանութեան և
պաշտպանութեան կենդրոնը: Գարգար գետի մօտ կատարուած

ճակատամարտում ֆանա-խանի զօրքերը ջարդուում են և ինքը փախչում է դէպի Պարսկաստան։ Իսկ Մելիք-Շահնազարը և խաչէնի Մելիք-Միրզախանը, իբրև ֆանա-խանի ղաջակիցներ, լաղթուած լինելով լեռով փախչում են Չանախչու բերդը և այնտեղ ամրանում։ Հայոց և վրաց միացած զօրքերը լարձակուում են Չանախչու վերայ, բերդը աւերում և Շահնազարին ու Միրզախանին զերի առնում։

⁹⁾ Մելիք-խաուփն ու Մելիք-Աթամը պատերազմից առաջ սլալման էին կապել վրաց արքայ Թլմուրազի հետ, որ վերջինս միայն բաւականապէս պատերազմական աւարով, իսկ ֆանա-խանը, Մելիք-Շահնազարը և Մելիք-Միրզախանը, ըստ սլալմանին, պիտի լանձնուէին հայերի ձեռքը։ Սակայն պատերազմից լեռով Թլմուրազը ղանազան պատրուակներով լեռնաձգում էր ալդ երեք չարագործին հայերի ձեռքը լանձնելը, չընալելով, որ փախստական ֆանա-խանին Գալի Մահրասալի էր բռնել կէս ճանապարհին և կրկին բերել վարանդա։ Ուստի զրուծ Թլմուրազը, քանդելով հայերի հետ կապած սլալմանը, զերուած ֆանախան, Շահնազարին ու Միրզախանին տարաւ իր հետ մինչև Գանձակի կողմերը և մեծ փրկանք ստանալով ալդ երեք չարագործից, արձակեց նոցա զերուծիւնից։

¹⁰⁾ 1796 թուին, երբ Գանձակը պաշարել էին վրաց Հերակ թագաւորը և ֆանա-խանի որդի Իբրահիմ-խանը (ալդ ժամանակ ֆանաչը սպանուած էր Պարսկաստանում և նորա տեղը Ղարաբաղում բռնել էր որդին), սորանց օգնութեան էր եկել և Աւարիայի Օմար խանը իր լեզգի զօրքերով։

¹¹⁾ Գանձակի պաշարուած բերդումն էին գտնուում տեղալին հալաւէր Զաւատ-խանը և նորա մտերիմ բարեկամ հայոց Մելիք-Մէժլումը իր երկու քաջերի՝ Գալի-Մահրասալի և Թիւլի-Արզումանի հետ միասին, Գալի-Մահրասալի լեզգիների դէմ էր կուում, իսկ Արզումանը՝ վրացիների դէմ։ Սոքա լաճախ իրանց զինակիցների հետ միասին դուրս էին գալիս պաշարուած բերդից, կաթակի նման՝ նետուում թշնամիների վերայ, նրանց ջարդում և կրկին վերադառնում բերդը։ Սի ալդպիսի լանդուղն լարձակումից լեռով, երբ անզգուշ Մահրասալն լոգնած նստած էր գիշերով՝ իր ձեռքով սպանուած լեզգիների դիակների մէջ՝ և հանգստանում, մի կիսաշունչ լեզգի լանկարծ առաճանակով զարկեց և սպանեց նորան։ Գալի-Մահրասալն սպանուեց Գանձակի դերեզմանատան մէջ և թաղուեցաւ ալդ քաղաքի Մալր եկեղեցու դաւթում։